

09. maj 2023

UPA 2023/101
Pele Broberg, Naleraq

Kalaallit Nunaannut naleqqussakkamik allaffissornikkut aqqissuusseqqinnissamik pilersaarmumik suliaqarnissamik Naalakkersuisut peqquneqarnissaannik Inatsisartut aalajaanngiffissaattut siunnersuut. Pilersaarut kingusinnerpaamik UPA2024-mi saqqummiunneqassaaq.

(Inatsisartuni ilaasortaq Doris J. Jensen, Siumut)

Siullermeerneqarnera:

Naleqqamiit Inatsisartuni Ilaasortaq Doris J. Jensen qutsaviginiarparput siunnersuutaanut.

Ullumikkut pissutsit qiviaraanni, qularnanngilaq oqallisissiaq nutaajunngitsoq. Sulilu taakkutoqarsuit taakkartorneqassallutik.

Naleqqamiit ersarissumik isummerfigisassanik ujartuinissaq peqataaffiguarparput, taamaattorli aporfilersorneqartuarluta.

Aporfilersuutit siullermik tassaasarsimapput, sulisussaqaannginnatta kalaallinik. Ilaatigut ”Danskит Naalgaaffeqatigiiffianiikkatta”, taamaasiorsinnaanngilagut-mik oqariartorneq.

Tamatigut qaqinneqartartoq tassaasarsimavoq uagutsinnut aallaavigaluta ingerlalnissarput.

Allaat piniarnermut inatsisiliorialerpugut, piniartortagut aallaaviginagit. Inooriaasaat aallaaviginagu inatsisissaq. Iami qasseriarluta maannamut tusarparput “Europæiske menneskerettighedskonvention artikel 14” aallaavigalugu inunnik immikkoortitsisoqarsinnaannginera. Aali eqqortoq tamaat aallavigissagaanni inatsisit Danskит justisministerium-imi¹ ilitsersuummi ersarissumik allaq-qasoq, artikel 14 taamaallaat EMRK-mi immikkoortortanut taamaallaat tunngasoq. Inerteqqu-taanngitsoq tunngavilersorluni immikkoortitsineq inatsisit periarfissereeraat.

Ullumikkut suli ingerlanneqarpoq pisortanik sullinneqarnermi inatsit 1998-nisaasoq aammalu oqaatsinut politikkimut inatsit 2010-nisaq. Taakku marluk aaqqiivigineqaraluarpata nunatsinni allaffissornerup nunatsinnut tulluarnerusumik ingerlaleriissagaluarpoq.

Periusissiamik pisariaqartitsinngilagut. Namminersornermununa inatsit timitalersorneqaannartussaasoq.

Inulerinermiinngilaq. Peqqinnissaqarfimmiinngilaq. Allamiununa aallaavigalugit pingaarnersiusoqarneraniittoq.

¹ <https://lovkvalitet.dk/lovkvalitetsvejledningen/retlige-graenser-og-almindelige-principper/3-1-retlige-graenser/3-1-3-internationale-menneskerettighedskonventioner/3-1-3-4-forbud-mod-diskrimination/>



Naleraq

Siunnersuuteqartoq taamatut siunnerfia isumaqatigalugu Naleqqamiit erseqqissarusupparput perisissioornissaq pisariaqartinagu. Timitalersuinissaruna pisariaqartinneqartoq.

Naleqqamiit siunnersuut taamatut itigartillugu, Naalakkersuisooqatigiit qinersisartut 66% sinnerlugu tunuliaqutaralugit sulisut, timitalersuilernissaannik kaammattuinnarniarpagut.